

СССР-нь Верховнай Советт 1-це созывонь Котоце Сессияц

Мартт 29-це шистонза, Кремляса, панжевсь СССР-нь Верховнай Советт Котоце Сессияц, 14 частста ушедсь Союзонь Советт заседанияц.

Председателень шрать вакс эвондасть Союзонь Советт председателец Андреев депутатсь и председателть заместителец — Лысенко депутатсь, а ложатнеди — СССР-нь Верховнай Советт президиумонц членонза и СССР-нь Совнаркомт председателец — Молотов ялгать мархта во главе Правительствать членонза. Синь лисемаснон васьфтезь бурнай овацияса.

Заседаниянь залса — дипломатический корпуст членонза, советский и иностранный печатень работникине, лама инжихть.

Сессиять панжезе Союзонь Советт Председателец Андреев депутатсь. Сон макссь вал Алемасов депутатти, коңац пафтсь куля, што Узбекский ССР-нь депутаттне путсь кизефкс Союзонь Советт Председателец заместителец Сегизбаевт Союзонь Советт председателенцы заместителень обязанностензон эзда освобождениянц колга, сяс мес сон Узбекский ССР-са тяни аф работай. Алемасов депутатсь Старейшинань Советт лемста мярьгонди кочкамс Союзонь Советт Председателенцы заместителькс Юсупов Усман депутатт. Тя предложенияс примаф единогласна.

Тяда меле доклад мархта выступает Союзонь Советт Мандатнай комиссиянц Председателец депутатсь Шербаковсь. Сон корхтай од депутаттнень полномочияснон проверендамань результатснон колга, конат кочкафт Союзонь Совету Украинский ССР-нь и Белорусский ССР-нь западнай областнень эзда. Союзонь Совету депутатонь избирательнай округнень эзга йотафтфт СССР-нь Конституциять и „СССР-нь Верховнай Совету кочкаматнень колга Положениянь“ основаснон и соотвествиянзон коряс. Кочкафт Союзонь Советонь 43 депутат. Синь йотксост — 19 рабочай, 14 крестьян, 10 интеллигент. Депутаттнень йоткса — 11 ава. Союзонь Советсь единогласна кемокстазе Мандатнай Комиссиянь докладонц и лувозе правильнайкс сембе депутаттнень полномочияснон, конат кочкафт Союзонь Совету Украинань и Белоруссиянь западнай областнень эзда.

Председательствующайсь депутатсь Андреев Союзонь Советт лемста приветствовандазень Западной Украинань и Западной Белоруссиянь нароттнень избранникснон. Залти од депутаттнень эвондамасна васьфневи бурнай овацияса.

Сессиясь единогласна кемокстась шинь тяфтама порядка:

1. Доклад Правительствать внешний политиканц колга.

2. Карельский Автономнай Советский Социалистический Республикать Союзнай Карело-Финский Советский Социалистический Республикакс преобразовандаманц колга.

3. 1940 кизонди СССР-нь Государственный Бюджетт кемокстамац и 1938 кизонь Государственный Бюджетт колга отчетт кемокстамац.

4 СССР-нь Верховнай Советт Президиумонц Указонзон кемокстамаснон колга, конат примафт Сессиятнень йоткова пинкнень и — подлежат кемокстамс СССР-нь Верховнай Советса.

Примосеви решения ваномс шинь порядкать васенце и омбоце кизефксонзон, а тяфта жа кулхондомс колмоце кизефксть коряс докладть Союзонь Советт и Национальностень Советт марстонь заседаниясост.

16 частса панжевсь Национальностень Советт заседанияц. Председателть шранц вакс эвондакшни Национальностень Советт председателец депутатсь Шверник и Председателть заместителец депутатсь Асланова, а ложаса — СССР-нь Верховнай Советт Президиумонц членонза и Правительствать членонза во главе СССР-нь Совнаркомт Председателец Молотов ялгать мархта. Залсь синь васьфнесыне вишке аплодисментса.

Якубов депутатсь Старейшинань Советт лемста Сессияти максси предложения Левицкий депутатт Национальностень Советт Председателенцы заместителень обязанностнень эзда освобождениянц колга, сяс мес сон йотась работама Белорусский ССР-ста лия вастс. Сон мярьгонди Национальностень Советт Председателенцы заместителькс кочкамс Кулагин депутатт. Сессиясь единогласна примазе тя предложениять.

Национальностень Советт Мандатнай Комиссиянцы докладонди вал получахши Бурмистенко депутатсь. Сон азондозень од депутаттнень полномочияснон проверендамань результаттнень, конат кочкафт Национальностень Совету Украинский ССР-ть и Белорусский ССР-ть западнай областснон эзда. Национальностень Совету депутатонь кочкаматне Украинань и Белоруссиянь западнай областнень сембе 12 округнень эзга йотафтфт СССР-нь Конституциять и „СССР-нь Верховнай Совету кочкаматнень колга Положениянь“ соотвествияса. Национальностень Совету кочкафт 12 депутат. Синь лувксост 3 рабочайхть, 3 крестьян и 6 интеллигентт.

Сессиясь кемокснесы Мандатнай Комиссиянь докладонц.

Национальностень Советт Председателец Шверник депутатсь Национальностень Советт лемста приветствует Западной Украинань и Западной Белоруссиянь народть избраниконзон. Приветствующайхне залса тиендихть теест вишке овация.

Сессиясь единогласна кемокснесы сяка жа шинь порядкать, кода и Союзонь Советса и постановляет ваномс кизефкснень, конат путфт сессияти ваномс тяфтама жа порядкаса, кода тя ульсь примаф Союзонь Советт заседанияса.



Мартт 25-це шистонза Белоруссиять западнай областензон эса ульсь СССР-нь и БССР-нь Верховнай Советтнень кочкамат.

СНИМКАСА: Батечки велень эрийхне нолдайхть избирательнай бюллетенцон Батечки велеть 120-це избирательнай участкаснонза.

(Фото-клишесь ТАСС-ть)

ИНФОРМАЦИОННАЯ СООБЩЕНИЯСЬ

Союзонь Советт и Национальностень Советт марстонь заседанияснон колга

1940 кизонь мартт 29-це шистонза

Исяк, мартт 29-це шистонза, 7 частса илять, СССР-нь Верховнай Советт заседаниянь залсонза, Кремляса, йотась Союзонь Советт и Национальностень Советт марстонь васенце заседаниясна.

Председательствует — Союзонь Советт Председателец депутатсь Андреев А. А.

Заседаниянь панжемдонза инголе А. А. Андреев ялгать предложенинц коряс СССР-нь Верховнай Советсь почтил стямаса белофитнень каршес бойхнень эса Якстерь Армиянь кулоф боецнень памятьснон, конат максозь эряфснон эсь родинаснонды безопасностень обещиндамань тевть инкса.

Тяда меле СССР-нь Верховнай Советсь ушедсь Сессиять шинь порядкань васенце пунктонц ваномса.

Правительствать внешний политиканц колга доклад мархта выступил СССР-нь Народнай Комиссаронь Советт председателец и Иностраннай Тевонь Народнай Комиссарь Молотов В. М. ялгась, конанц васьфтезь ламос моли бурнай овацияса.

Молотов ялгать докладонц аделамда меле депутатсь Багиров М. Д.

максси предложения: Сяс мес СССР-нь правительствать внешний политикак исчерпывающи яснай и последовательнай — СССР-нь Народнай Комиссаронь Советт Председателец и Иностраннай Тевонь Народнай Комиссарь Молотов ялгать докладонц коряс преният аф панжемс. СССР-нь Верховнай Советсь единогласна примосесы тя предложениять.

Тяда меле Багиров депутатт предложенинц коряс СССР-нь Верховнай Советсь, Палататнень эзга башка голосованияса, единогласна примоси тяфтама постановления:

„Советский Социалистический Республикань Союзонь Верховнай Советсь, кулхондомок СССР-нь Народнай Комиссаронь Советт Председателец и Иностраннай Тевонь Народнай Комиссарь Вячеслав Михайлович Молотов ялгать докладонц правительствать внешний политиканц колга, постановляет:

Одобрить Правительствать внешний политиканц“.

Тяда меле Союзонь Советт и Национальностень Советт марстонь васенце заседаниясна сьолгондови.

КОМСОМОЛОНЪ ПЯШКОТЪКШНЕСАЗЪ ЭСЪ ОБЯЗАТЕЛЬСТВАСНОН



СНИМКАСА: (кяржи ширеста види шири) МГСС-нь инь цебарь трактористъ Дубровский, передовой комсомольско-молодежной звенасъ и агротехучебанъ отличникатне А. М. Ивенина и М. В. Серегина. Фотосъ В. Ивенинтъ.

МОНЪ ОБЯЗАТЕЛЬСТВАЗЕ

Штоба максом колхозенди и совхозенди элитанъ высокоурожайнай лютесценц 962 тозер видме, мон обязуюсь получамс—40 центнер фкя гектарть лангста. Тянь инкса площадс сокаф нинге йотай кизонь май ковстакиге. А мзярда эвондакшность сортишет, ульсть тифт кафта лущеният. Видемс кочкаф 63 килограмма видме, конатненъ эзда 1000 зернатъ сталмоц 41 грамма. 1 гектарть лангс ули видеф 276 килограмма видме. Видеда инголе видмотне улихть яровизировандафт, видефсь ули туркснакось.

Кокак солай ловсь, модасъ кармай коськома, площадс ули кафтонъ ки инзаф, тяда меле 7—8 сантиметранъ крхкалмос культивировандафт и кафтонъ ки инзаф.


Васенце инзамада инголе ускаф фкя гектарть лангс минеральной удобрений: а) суперфосфатта—6 центнерхт, б) палитнай салда—1,5 центнерхт, в) аммиачнай селитра—615 центнерхт.

Вегетационнай периодъ пингста улихть тифт кафта подкормкат. Подкормканди сяфтяма эрь гектарти; а) птицанъ пометта—5 центнерхт, б) перегнойда—5 центнерхт. Омбоце подкормкатъ йотафтсаскъ видефть трубкакс лисемдонза инголе. Тяса макстама фкя гектарть лангс 0,5 центнерхт аммиачнай селитра, а суперфосфатта фкя центнер, подкормканъ йотафтсаскъ кядьса.

Видефненъ лисемдост инголе али лисфненъ ланга, мзярда тиеви корка, ули йотафтф коннай грабляса рыхления. Васень подкормкада меле ули йотафтф коннай грабляса инзама.

Макарова,

МГСС-ть яровой тозерть коряс группанъ младшай техникоч.



СНИМКАСА: Николаевский средний школанъ учениксъ—пионерсъяннай натуралистъ Палитов Павелс, занимаданкшн инь цебарь растениянъ кочкамаса. Сон тиенди внутрисортной скрещиваният.

Фотосъ В. Ивенинтъ.

Тунданъ видемати анок

Селекционный станцияв Домна Макаровасъ сасъ кунара ни. Сон васенда кочкесъ тоса сортовой видмот. Тейнза аныцек 18 кизот, но эсь честнай и добросовестнай работанц вельде арасъ содафоксембе Саранский районти. Рядовой работницасъ, тяни младшай техник яровой тозеронъ группать коряс.

Звенасъ, конанц мархта вяти руководства Макарова ялгасъ, сясъ обязательства 1940 кизоня 12 гектар площадть лангста эрь гектарста получамс 20 центнер тозер. Лац работайхть тя звенаса Захаркина, Пузакова, Шмойлова и младшай специалистс Светун ялгатне. Синь цебарь работанкса дирекциять ширде казф.

ЧИСТОСОРТНАЙ ВИДМОТНЕНЪ ИНКСА

Мон тонафнян Николаевский средний школанъ, 7-це класса (Саранский район). Кода юнай натуралист, увлекаюсь различнай сельскохозяйственной растениемъ развитиснон и возделыванияснон мельге ванондомаса. Кизонь каникулатненъ пингста якан Мордовский госселекционный станциять различнай питомниконзонды и ванондан, кода тоса касыхть различнай сельскохозяйственной растениемъ. Тяда башка примосень участия снавть и пинемть внутрисортной скрещиваниясост работать эса. Снавть коряс кастрировал и опылял 600 различнай панчф и получанъ нят панчфкятсаскъ кядьса.

Ленинский комсомольтъ воспитанницац

Билинкина А. Я. ялгасъ, комсомолка, работай Мордовский Государственной селекционной станцияса серай сьоронъ группать коряс младшай техникос. Сон тя работати выдвинутай низовой работницаста. Кода эста, тяфта и тяниенге лувондови работаса ударникакс. Сон цебарь работанц инкса аф вестъ ульсь казф. Сон активнай общественница, агротехучебаса отличница, работай комсомольско-молодежной звенаса звеньеоводаккс.

Билинкина ялгать звенац сясъ обязательства 1940-це кизоня получамс эрь гектарть лангста 25 центнер пинем. Штоба пашкодемс обязательстваснон, звенасъ тийсь тянь инкса работа. Йотафтсъя ловонъ кирьдема, усксъя сатомшка удобрения, видмотне сембе сортировандафт и проверяфт ни синь всхожестьсна. Инвентарсъя тяфта жа сембе петьф.

Звенать членонза эсь йотковаст соревнууются, штоба тя кизоня сатомс оцю урожай.

М. Сайгин.

Макарова ялгать звенац тунданъ видемати анок 100 процентс. Сонъ звенац сергыезде сопсоревнованияс тишень види группать, конац вызовть примазе и сясъ обязательства получамс эрь гектарть лангста 6 центнерхт тише видме.

Тяфта жа цебарь сатфкст сасъ эсь работасонза крупной культуранъ види группать младшай техникоч, стирясъ Кочетова ялгасъ. Группаса трудть цебарьста организовандаманц инкса сон ламоксть ульсь казф. 1939-це кизоня группасъ Кочетова ялгать участиянц вельде получасъ урожай 38 центнер сура фкя гектарть лангста.

М. Лукич.

ненъ эзда 200 грамат цебарь видме.

Мон наглядна убедилс, што академикъ Т. Д. Лысенкотъ природнай растениемъ полафтомаснон коряс методоч кирди оцю значения сельскохозяйственной растениемъ продуктивностснон цебарьгофтомаса. Гибридизацияда башка, мон тяфта жа шарфтонъ мяль лучшей растениемъ кочкамать ширес.

Мон сергыаткшнесайне сембе школьникненъ кемоксемс биологияса эсь знанияснон, лездомс эсь колхозснонды выращивать цебарь, пароднай и чистосортнай видмот.

Пионерсъя Политов.



СНИМКАСА: МГСС-нь комсомольский комитетъ секретарец, од научнай сотрудникс селекционерс Гушин ялгасъ ванонды фруктовой шуфтонянтненъ, кодама состоянияса синь ащихть ловть алда штадомда меле.

Фотосъ В. Ивенинтъ.

Видемати анокт

Мордовский Государственной селекционной станциять машиннай цехонъ работниконза упорнай и добросовестнай работаснон вельде тракторонъ и иля сельхозинвентаренъ петемать аделасть.

Штоба сята лацкас йотафтомс тунданъ видемати и ванфтомс сята лама горючай, трактористтне Буланников С. Ф., Давыдов Н. Ф. Лукин Е. кемокстасъ эсь йоткост сопсоревнованиянъ договорхт, коса сясъ обязательства вельф пашкотъкшнемс работанъ норматненъ и машфтомс простойть, соксемс эрь шиня 12 гектар 8 гектархт нормать вастс.

Договорхт тяфта жа кемокстасъ шоферхне Диков и Скорляков ялгатне, конат эсь договорсост сьормадыхть: „фалу кирдеме автомашинатненъ полной исправностьса и ванфтомс горючайть“.

М. Ежовский.

Оцю урожайть инкса

Тялонъ перьф Мордовский Государственной селекционной станциясь комсомольский организациять инициативанц и личнай участиянц вельде тийсь оцю работа паксяса ловонъ кирьдемать коряс. Тяфтама работа йотафтф 24,5 гектар лангса. Кирьдф ловсь кой-кона вастса пачкодъкшни метранъ серес. Тянь мархта тиф фкя инь важнай условия сянъ инкса, штоба 1940 кизоня получамс оцю урожай.

Тяфтама сатфксненъ селекционной станциясь сатозень соревнованиять и ударнай работать вельде. Ловонъ кирьдемаса особа ведущай работанкса селекционной станциять цебарь ломаненза дирекциять ширде казф. Тяфта, например, Ворныгаева ялгати ловонъ кирьдемаса цебарь работанкса максф премия и азф благодарность.

М. Сайгин.

Общественность лезксонц вельде

Каргал велень „Ленинонь заветоч“ колхозъ алашанзон тунданъ видемати цебарьста анокламаса колхозти пяк оцюста лезды велень общественность.

Колхозъ кой-конат бригаданзон эса алашатненъ упитанностьсна нинге аф кунара ульсь калдяв, а тяни, мзярда синь мельгаст велень общественность инициативанц вельде цебарьгофтф уходс, алашатненъ упитанностьсна кассъ средняяда вяри.

С. Быков.

Зубово-Полянский район.

Ответ. редакторъ заместителец И. ЧУДАЙКИН.